



Jens Napätök  
Partii Naleraq sinnerlugu Inatsisartunut ilaasortaq

### § 37 naapertorlugu apeqqummut 261/2019-imut akissut.

Asasara Jens Napätök,

Piartortut angerlarsimaffissaannik sanaartorneq pillugu apeqqutinut qujanaq.

#### 1. Nuna tamakkerlugu Utoqqaat Illuannut atasunik piartortut naggammik angerlarsimaffissaannik sanaartortoqassappat qanoq tamanna akeqassava?

##### **Akissut:**

Utoqqaat Illui kommuninit akisussaaffigineqarput, aamma illoqarfinni assigiinngitsuni utoqqaat illuinnut atasunik piartortut angerlarsimaffiannik pilersitsinissamut aningaasartuutaasinnaasut misissorneqarsimangillat. Taamaattumik aningaasartuutaaratarsinnaasut pillugit apeqquq akineqarsinnaangilaq.

Peqqissutsimut Naalakkersuisoqarfiup nalunaarusiaani: *"Napparsimasunut inuunermut navianartorsiorfitsisumik nappaateqartunut (piartuutaasup ersiutaanik) nipaallisaanissamik piginnaasaasalu kingumut pilersinnissaannut periarfissat"* 2015-imeersumi naatsorsorneqarpoq nuna tamakkerlugu siniffiit immikkut ittumik anniarpallaarunnaarsitsiniarnermut pisariaqartinneqartut marluk sisamallu akornanniittuut. Nuummi siniffiit 1-2 siniffiillu 1-2 illoqarfinni nunaqarfinnilu allani. Taamaattumik nalilernerqarpoq sinerissami piartortut angerlarsimaffissaannik sanaartornissaq pisariaqartinneqanngitsoq. Eqqaaneqarsinnaavorli Kommuneqarfik Sermersuup aamma Dronning Ingridip Peqqissaaviata akornanni peqqinnissaq pillugu isumaqatigiissummut atatillugu suleqatigiissitamik, Nuummi utoqqaat illuanni ininik anniarpallaarunnaarsitsinissamut atorineqartussamik pilersitsinissamut periarfissamik misissuisussamik, pilersitsisoqarmat. Suleqatigiissitat sulinerminni paasisatik ukiaaru tunniutissavaat.

#### 2. Atorfilittat qanoq ilinniarsimasut pisariaqartinneqarpat piartortut angerlarsimaffissaannik sanaartortoqassappat aammalu qanoq inuiaqatigiinnut tamanna akeqassava?

##### **Akissut:**

Piartortut angerlarsimaffissaannik sanaartornermut atatillugu sulisunut aningaasartuutinullu tunngatillugu siniffiit pisariaqartinneqartut utoqqaallu illuini ataasiakkaani periarfissat apeqqutaassapput. Taamaattumik illoqarfinni assigiinngitsuni utoqqaat illuini piartortut sullinneranni atortunik pisariaqartinneqartunik pilersitsisoqassappat sulisunut aningaasartuutaasinnaasut missingerneqarsinnaangillat.

09-08-2019  
Suliap nr. 2019 - 17058  
All. nr. 11248867

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

Tamatuma saniatigut § 37 naapertorlugu anniarpallaarunnaarsitsiniarluni iliuseqarnerit piartortullu angerlarsimaffii pillugit apeqquummut 205/2019 innersuussisinnaavunga.

Inussiarnersumik inuulluaqqusillunga

  
Martha Abelsen